

乾隆烏程縣志

烏程縣志卷之三

古蹟

世閱人而爲世遂成古今立乎今以觀古邈矣悠哉殆大往而其地猶存或境遷而其名不易流聲所被不盡銷沉也烏程向隸名郡英賢樓託勝構頽仍雖代遠事湮傳遺聞於故老而散懷高望弔陳跡於荒墟凡可考見具如篇籍誕我來哲佇嘗川以周覽發思古之幽情其在是乎志

古蹟第十

古東遷縣在烏程縣東六十里晉太康三年分烏程東鄉置

成化初州

府志

避宅城村山上

太平寰宇記

顏魯公集說文云宅蛇也上古患蛇而相問得無宅乎築城以避宅也

下菰城縣南二十五里

太平寰宇記

西吳里語楚存申君黃歇所築內又有子城重城屹然甚固今故址猶存蓋古菰城縣治也吳典記春申君於吳墟西南立菰城照青樓遺延十里吳典掌故楚郡志載春申君故宅在下菰城非也史記楚封歇爲春申君於江東因城吳故墟以爲都邑在今始省城內西北隅吳典非所封下菰城蓋春申伐吳時築營屯駐之處其四壁門可證

鄭明選游下菰城記略城四面累土周道如山其內松樹千章或偃如車蓋或攫拿如虬龍山風乍起聲如浙江之濤地僅千畝居民種麥油油如雲尋至一亭曰長烟亭土人曰此外小城其內有大城邑之北而入至所謂大城者高山後擁兩旁築土爲平岡上山山峻濶倍外城深三之然草木荒翳道路幾不可辨昔太史公觀春申君故城歎宮室之盛今無論蘇湖皆化邱墟矣鄭侯升集

張羽菰城詩迢迢下菰城乃在衡山址上築自何人云是蔡公子連峯負崇墉重闔抱溪水得非蒸土成詎乃久不見路化爲田睥睨猶可指牛羊恣來牧狐兔穴不起路

時賓客盛莫比高門游俠窟諸侯交贊禮劍佩紛相摩雜沓
曳珠履榮華不可常零落今如此豈徒雍門琴獨下田文淚

靜居集

又下城長烟詩坡陀廢壘青山側至今傳是春中宅三千劍
履化爲塵蔓草蒼烟淡簫瑟停舟弔古望眼迷平林漠漠斜
陽低荒涼茅屋樵徑小惟有古木寒鴉啼同上

邱吉下菽長烟詩千載春申有故城城頭烟氣日冥冥
春霧千山紫近合秋雲萬竈青楊柳池塘迷翡翠菰蒲
滿荆湖崇正烏程縣志

杜庠下菽長烟詩古城無堞只荒邱可是春申故宅不幻態
幾番興廢事寒陰一抹古今愁飛鴉隱隱長疑暮蔓草茫茫
總是秋悵望英雄何處去青山依舊在湖州同上

宋鑑下菽長烟詩高臺已下曲池平故壘曾聞戍楚兵勤業

恨隨流水盡亂山愁與暮雲橫低迷楊柳橋邊路冷落菰蒲

岸上城一代豪華惟草樹連筵紫翠望中生

同上

邱城在城北十八里太湖濱與長興接境卽春秋時吳築三城之

一西吳里語以爲漢邱氏所居勞志以爲吳越錢氏築以拒南

唐悞

乾隆湖州府志

戶城在縣西十九里孫吳時置文帝陵戶二百家城於此

成化湖州府志

卜城在縣西南六十里宋略云龍驤將軍益州刺史卜天與所築

同上

南潯城縣東七十二里至正十三年張士誠築洪武二年拆修蘇

州城基址尙存約周三里

崇正烏程縣志

案石柱記有鳩茲城考左傳襄三年楚子重伐吳克鳩茲

杜註明云鳩茲在丹陽蕪湖縣東又太平府志蕪湖縣東

三十里故蕪湖城卽春秋鳩茲城

魯公記此於烏程悞矣故削之

宋社稷壇在清源門內祥符寺政和元年知州事章長

乾德湖州府志

宋真院在城內廣化橋東北乾道三年知州事王十朋建

同上

芳菲園在清源門內吳越錢俱置

同上

陳堯佐閒步過芳菲園詩盡日芳菲園不見芳菲好茂草與

斜陽脈脈情多少

南沈尚書園依南城近百餘畝果樹甚多林檎尤盛內有聚芝堂
藏書室堂前大池幾十畝中有小山謂之蓬萊池南豎三太湖
石各高數丈秀潤奇峭後買師憲募夫數百人構大架懸巨繩
縋城而出載以連舫涉溪絕江致之越第買敗此石臥泥沙中
有王子才買於官募工移植費不貲未幾有指爲盜買者省府

追逮所費十倍於石遂復昇題之

癸辛雜識

吳興掌故集例書各介字德和

仕宋爲兵部尚書荆湖制置使

案舊縣志云今一石尙存上鑄鐘時二字佛鑿梁尙書沈

約數字不知此石在宋時已遷越中今安得尙存其上况

尙書固非沈約手

侍好事者爲之耳

古蹟

北沈尙書園城北奉勝門外號北村園中鑿五池三面皆水極有
野意後又名曰自足有靈壽書院怡老堂溪山亭對湖臺盡見

太湖諸山

癸辛雜識

吳興草故集尙書名作賓
字賓王仕至顯漢閣學士

葉適北村記戶部尙書沈公園於城北奉勝門外而使告予
曰北村畝餘三十中涵五池大半皆水也其爲叢花茂木之
蔭狹矣靈壽書院劣容臥起而怡老堂不過三楹其爲崇閱
遠宇之居福矣州藏諸伏濠港限隔非舟不能通道相爲市
者皆魚蝦之友菱芡之朋而冠帶車馬之來絕矣舫回棹轉
遺音歎乃常在庭際而絲竹鐘鼓之奏息矣蓋其陋若此惟
對湖臺高不逾丈其區前臨湖心遠峯明晦滅沒近而後溪
鳳凰毗弁諸山往往寥泊於溪山亭之下殆或天所與若
然亦樵夫野人之所同有也今吾鹵莽而營之

之姑以寄吾身於一壑之內而游於天地之外故名其園曰
自足焉予嘗評天下山水之美吳興特爲第一其山脈地絡
融液而浸灌者莫非氣之至清演漾澄瑩紺澈數百里接
以太湖蒲荷蘋蓼盛衰榮落無不有意而來鷗去鳥風
楫恣肆渺莽不知其所窮蓋仙聖之宅非人世也予海
人恨不得生長其地今公乃以築圃大指使予記之豈非所

願欲哉

水心先生集

章參政嘉林園依南城宋章良能文莊公置有地數十畝有晉溪
閣昔沈晦岩清臣故園也有嘉林堂懷蘇書院相傳坡翁作
多游於此城外別業可二頃桑林果樹甚盛濠濮橫截車馬
者數反復有城南書院然其地本南園後廢售於民與李
各得其半李氏後歸牟存齋

癸辛雜識

牟端明園本南園後歸李寶謨又歸牟存齋中有碩果軒元祐

堂芳菲二亭萬鶴亭雙杏亭桴舫齋岷峩一畝官宅前枕大溪

曰南漪小隱

同上

趙府北園在城東北隅宋趙與憲置舊爲安禧故物後歸趙德勤
觀文其子春谷文昭葺而居之有東浦書院桃花流水薰風池
閣東風第一梅等亭正依臨湖門內後依城城上一眺盡見巨
區之勝

同上

丁總領園在奉勝門內宋丁葆光置後依城前臨溪合萬元亨之
南園楊氏之水雲鄉二園爲一後有假山及砌臺春時縱郡人
游樂郡守每歲勸農還必於此艤舟宴焉

同上

趙氏菊坡園在府治南新安郡王之園也昔爲莫氏蓮莊分其半
爲之前面大溪爲修堤畫橋榕柳夾岸數百株照影水中如鋪
錦繡其中亭宇甚多中島植菊百種爲菊坡中甫二島自命也
一水則其宅在焉舊爲曾氏極目亭最爲勝處

曰八面會家今名天開圖畫

同上

程文簡尚書園在城東宅之後宋程大昌置依東城水濼有五

堂曰鷺堂芙蓉涇

同上

丁氏西園丁葆光之故居在清源門內前臨茗水築山鑿池

岩一時名士洪慶善王元渤俞居易黃國器劉行簡曾天隱皆

有詩或稱丁家茅巷

同上

趙府南園在南城下與其第相連處勢寬闊器象宏大後有射圃

崇樓甚壯

同上

葉氏園石林右丞族孫溥號克齋所創在城東多竹石之勝

同上

李氏南園李鳳山參政本蜀人居晉因創此爲游翔之地中有傑

閣曰懷珉穆陵御書也

同上

王氏園王子壽使君家於月河之間規模雖小然曲折可喜有南

山堂臨流有三角亭苔雪二水所瀝若清霄濁水行其間略不

相混 同上

趙氏園端肅和王之家後臨顏魯公池依城曲折亂植拒霜號芙蓉

蓉城有善慶堂最勝 同上

趙氏清華園新安郡王之家後依北城有秋田二頃有清華堂前

有大池靜深可愛 同上

俞氏園俞子清侍郎即臨湖門所居爲之俞氏自退翁四世皆未

及年告老各享高壽有園池之樂假山之奇甲於天下 同上

周審記假山最大者莫如衡濟杖屨中之園一山聯亘二十

餘畝置四十餘亭大可知矣然余所見秀拔者莫如俞子清

家峯之大小凡百餘乃於衆峯之間濼回曲澗斃以五色小

石旁引清流大石潭上巨竹壽藤蒼寒茂密不見天日潭旁

橫石作杠潭水自此溢出多蓄文龜斑魚夜月下照光景

亂如窮山絕谷間也 同上

趙氏瑤阜園蘭坡郡丞之別業去城既近景物頗佳有石湖常

萃其家法書刻石爲瑤阜帖

同上

案蘭坡名與趙

趙氏蘭澤園頗宏大其間作大寺牡丹特盛

同上

趙氏緒谷園舊爲秀邸今屬趙忠惠家一堂據山椒曰管川園

盡見一城之景

同上

趙氏小隱園在北山法華寺後有流杯亭引澗泉爲之梅竹最勝

同上

續劬堂雜志自西門出十八里法華寺即小隱園庭宇壯麗巨澗蔭喬松水清見底

趙氏屨洞園亦趙忠惠所有一洞窅然深不可測門背有屨居焉

癸辛雜識

趙氏蘇灣園亦菊坡所創去南關三里而近碧浪湖浮玉山在其

前山椒有雄跨亭盡見太湖諸山

同上

畢氏園畢再遇承宣所葺正依迎禧門城三面皆溪其南則邱山

在焉亦歸趙忠惠家

同上

倪氏玉湖園倪文節別墅在峴山旁取浮玉山碧浪湖合而爲名

中有藏書樓多野趣

同上

韓氏園距南關無二里昔屬平原郡王後歸余家名曰南郭隱城

南讀書堂萬松關太湖三峯各高數十尺

同上

葉氏石林左承葉少蘊之故居在弁山陽萬石環之故名且以自

號正堂曰蕪山榜曰石林精舍有承詔求志從好等堂及靜樂

菴愛日軒躋雲軒碧琳池又有巖居真意知止等亭其隣有朱

氏怡雲菴涵空橋玉礪故以玉礪名書

同上

葉夢得石林山堂記孔子言仁者靜智者動吾觀自古功名

之士類皆好動王荆公平生不喜坐非睡卽行居錫山每飯

已必跨蹇一至山中未嘗輟也蘇子瞻謫黃州布衣

入所陌每數日必泛舟江上乘興或至某處經旬不歸
貶嶺外無一日不游山二公皆天下偉人蓋出於智者當爾
吾素頽惰非二公之比自得此山樂其泉石且攜僕夫荷鋤
持畚平夷澗谷搜剔巖竇雖風雨不避旁觀皆以爲勞而予
實未嘗倦殆其役於物耶夫仁智性之成德雖動其何傷然
必有以養之而後不至於弊因榜其廳事東西兩齋曰近仁
近智而廳曰樂壽非曰能之蓋雖老猶將學焉 避暑錄話

又余絡聖問春官下第歸道靈壁縣世以爲出奇石予時臥
病舟中聞有求售亟得其一長四尺許價當八百探所有僅
得七白金假之同舍而不覺病頓愈夜抱之以眠自得此壑
剝剔巖洞與藏於土中者愈得愈奇今巖洞殆十餘處而奇
石林立左右不可以數計心猶愛之不已豈非予之癖哉 同上
又李習之論山居以怪石奇峯飛泉深潭老木嘉草新花七

者爲勝松柏檜杉木之佳者予仕四方未嘗兼得今環予左
右者略有千數株習之記虎邱池水不流天竺石橋下無水
麓山力不副天奇靈鷲擁前山不可遠視峽山少平地泉無
潭此五所者極天下之奇觀猶不能備吾居有圓證寺大松
合抱三十餘株夾道蔽日猶國初時物石橋合諸澗水道朱
氏怡雲閣之前其深處水面濶四五丈下流注朱氏子嵩之
園噴薄射激交流左右去吾廬不滿三里自可爲吾之別館
則習之所不足者吾可以兼得矣同上

范成大游石林紀勝石湖居士以乾道壬戌十二月至湖州
游北山石林小憩牛氏歲寒堂自此入山松桂深茂迥大嶺
乃至石林則棟宇傾頽兩廊拆去成菜畦矣正堂無恙而下
山高峯層巒空翠照衣袂略似上天竺白雲堂所見而加雄
偉自堂西過二小亭佳石錯立道周至西巖石益奇而

小堂曰承詔葉公自歸守先塋經始此堂後以天官佐遊
命於此因名焉其旁登高有羅漢岩石狀怪詭皆嵌空裝綴
巧過鑄鏡自西巖回步至東巖石之高壯礪礪又過西巖小
亭亦頽矣葉公好石力剔山骨森然發露若林而閒徑於石
間亦有自他所移置道傍以補闕者方公著書於堂四方學
士聞風仰之語石林所在如仙都道山欲至不可得蓋棺未
幾而其家已不能守委而棄之相與徘徊歎息不能去出石
林飯旌善寺葉氏墳祠也

騷鸞錄

葉夢得再任後遣模歸按視石林詩巖石三年別君恩未許
歸從誰尋草徑爲我款荆扉舊遠千山疊新添竹一圍故人
如見問端欲掛朝衣

建康集

又細路穿南嶺新松幾許長
毋庸馳馬足祇擬轉羊腸
便作高亭好初非亂石妨
兩溪渾在眼似欲見帆檣

同上

劉一止訪石林二首山行不用瘦藤扶度石穿林意自餘夜
過西巖投宿處滿身風露竹蕭疎山澤形容忌太癯石林風
範欲何如時時賓客傾家釀個個郎君讀父書

茗溪集

范成大與薛士龍遊弁山石林故居詩白蘋有嘉招蒼弁得
勝踐會心不憚遠乘興恐失便籃輿犯窮臘共作忍寒面冥
濛雲釀雪浩蕩風落雁松篁漸清幽猿鶴共悲怨英英文章
公作舍鎖慈筍峯俯前榮佳木秀諸院窮搜發山骨林立
侍談譙西巖踞熊虎東巖峙屏案履綦故彷彿蓋瓦已零亂
經營三十年成毀一飛電摩挲土花碧小立爲三歎

石湖集

黃玠石林精舍詩精舍青山曲石林雲氣寒夔龍方滿朝誰
不愛王官高人獨有見聊復此盤桓

弁山小
隱吟錄

又王維輞川劍石葉石林作精舍置下山下今爲沈玉泉所
得因賦有石有石美如錦拂拭鋒稜氣猶怒何人鼓棗動雷

風剝削泥沙山骨露昔年曾看輞川圖此物題詩采

花源裏有人家杏樹壇邊見漁父開元宰相太平日愛是
池賞心具銷沉紫氣斗牛間流落東西幾朝暮石林使君先
得之萬里相携若奇遇卽今好事屬君家翠竹疎花倚闌處
吳鴻無人扈稽死縱是有靈飛不去嗟我安得力士最願如
庚辰一看公孫大娘渾脫舞同上

劉氏園在北山德木村富民劉思忠所葺後歸趙忠惠癸辛雜識

錢氏園在昆山因山爲之巖洞奇秀下瞰太湖錢氏居在焉堂曰

石居同上

程氏園城南河口山下文簡公別業藏書數萬卷作樓貯之同上

孟氏園在河口山孟無菴第二子爲趙忠惠婿因居嘗創別業有

極高明樓同上

萬侍郎園在城北宋萬元亨置乾隆湖州府志

楊萬里寄題萬舍人園亭七景詩意山不識下山面相逢笠

澤詩祇因曉雲散玉立對門時蒲魚蒲芽長幾何已足庇玉

尺只恐如主人潛逃逃不得溪雲閣前三面山閣下一溪水

雲出歛作霖卻歸宿簷裏閣世要尋閑世界不在世界外明

月與清風何朝不相對亭也架亭元川木一夕化為竹醉眼

碧成朱若箇是蒼玉竹若何處蒼溪好請君來倚樓西山也

歡喜奔走入簾鈎無懸試問隱絲上何如謝東山出處兩無

意世間出世間誠齋集

朱經鉅堂雜志所載城內有林氏溪堂楊氏水雲鄉鄒氏

園向氏園城內有趙氏王園別趙氏慶源堂趙氏梅園張

氏園又別一園名居易詩云紅花巷陌

春自注樓所居紅花園今俱莫詳其處矣

東阜園在廣安橋東荷花池畔沈平所居疊石爲山池傍巨石名

釣魚磯一石洞高數丈梅百本圍繞曰梅園堂曰寒蓬萊曰

志園詩平末廢烏青文獻

沈知丞閣在獅子巷內有萬象皆春堂小隱亭桂芳亭鼓桂亭

梅亭皆張卽之書扁

烏青志

壺波題沈知丞閣詩曲徑芳塘百畝園更無煩暑碍風留
春庭院花如錦迎月樓臺柳舞綿鄰架插書金屋底泰華度
曲綠衣前主人宴罷歸來晚銀燭高烧月午天

同上

毘山園在毘山明潘季馴別業

焦竑毘山園雜詠爲潘朗叔作茶靈草隱重岩飛鳥自來去

茶烟一縷生幽人不知處堯平臺帶遠樹兩岸蘆花發送令

庭戶間坐見滄洲色

潘園集

吳國倫題中丞潘子良毘山讀書堂詩初憚臺高插斗墟安
仁賦就興何如浮游且放鷗夷棹疏鑿曾傳禹穴書莫怪客
星辭帝座從來仙侶好樓居明朝結社孤城畔不乘青山兩

鹿車

既甄洞梁

又登道場山望毘山芝林館懷大司空潘公詩避人來道
場山雙塔高低萬樹間朱草室懸巖嶺絕白蘋洲逸客
但將水石禪僧共那得雲霄地主還入夜歸帆千里夢直隨

明月到燕關

同上

王世貞潘中丞讀書臺詩清遠吳興古山水毘山去郡不十
里一塔飛英倒峯墮萬井炊烟並雲起梁國才人柳侍中構
亭爭勝白蘋風棠陰欲盡兔葵出千載風流指顧空彷彿山
靈訴天帝遺作中丞讀書地洗研池合星斗文題書壁吐雲
霞氣修廊複閣冠陂陀美篠蒼藤衣礪阿花如懷縣齋前密
果比閒居賦裏多我欲一贈毘山長爲是浮家易來往糟邱
好釀三百斛莫遣王猷信仍爽

弁州山人集

謝肇淩毘山園詩空翠濕靈裾危峯削不如天邊白水落郭
外綠楊疎閣有尙書山多太史書醉醜雞犬至疑已

虛 小草齋集

百花莊宋沈侍郎學府在金鼓橋內有綠野堂通安堂

烏青志

烏青文獻有亭謝樓蓋二十餘所

謝靈運宅在烏程東南今爲福田寺

茗紀

案西吳里語有謝玄宅在城內車騎坊考舊志皆無此疑不可信又梁志以晉溪館卽謝安宅尤謬大抵竹園墮通宅而附會及之也

釋清晝賦得謝墅送王長史詩世業西山墅移家長我身蕭疎道樹老寂寞廢田春車巷傷前瞰離溝憶舊隣何堪再過

日更送北歸人 村山集

戴顓宅在縣東北戴山

案西吳里語作戴逵逵實未嘗居吳已於戴山詳其限今更於此正之

蕭翼宅卽鴻禧寺

舊唐湖州府志

沈亞之宅在烏程西南小敷山卽福山

吳興掌故集

杜牧弔沈下賢詩斯人清唱何人和
草徑苔蕪不可尋一夕

小菰山下夢水如環
珮月如襟

樊川集

魏正烏程縣志

牟子才宅在定安門內明宣德間改爲便民倉

王彥宅在大悲橋西北府巷後

烏青志

丁勝宅在平等橋東

同上

韋居安宅在慈感渡

梅綱詩話 韋老居城南今不存予景定壬戌得數椽於慈感渡側詢之故老云 距舊址不遠因作五言八句云 卜居求漸

處者傍湖溪隔岸高低相當軒連近山天開

圖畫久人共水雲開說 韋老舊曾居此間

紫烏巾宅內烏亭柳舞宅即讀書臺新府志兩見似可省

又何楷宅向名何氏讀書堂應入堂額韋皇后宅即天學寺

寺屬歸安不應列入烏程而沈亞之宅諸書皆言在小墩山乃云在府治北即天聖寺蓋誤以吳信宅爲亞之也

陸羽別業在青塘門外

乾隆湖州府志

案青塘門外屬烏程新府志載

釋清書喜義興權明府自君山至集陸羽青塘別業詩應雅

此入歸安似屬無稽今正之

久辭私署寄君陽
隱已見縣名花會
逢開是粉本爲尋
人寧因看竹引身
關自雲多門占青
山盡最賞無事心
籬邊釣

溪近

村山集

宋唐劉長卿有過朱處士別業詩皎然又有題別業詩今不詳其處宋梅聖俞有游西余精舍詩明唐棣有題蘇潭別業詩又不詳其人故闕之詩並見藝文

隱安別業在菁山
宋知州事葛勝仲
置外有溪澗澄澈
與釋贊能

於此賦詩爲樂

吳興掌故集

錢牧叔謙別墅在
西門外張釣魚灣
卽張志和釣游處
水亭三間

扁曰魚灣風月諸
公多有賦詠

梅壩詩話

韋居安魚灣風月
換魚兒詞遶茗城
水平波渺雙明遙
睇無際就中惟有
魚灣好占得西關
佳致楊柳外羨泛
宅浮家當日玄真
子溪山信美歎陳
迹猶存前賢已往
誰會景中意蕭閒
甚築屋三間近水
汀洲香泛蘭芷清
風明月知多少肯
滯

軟紅塵裏垂釣餌。這春水生時。賸有桃花。旣煩襟淨洗待辨。
取輕簑來分半席相對弄清泚。

同上

蜀山幽居在城東蜀山下明徐齊居此

乾隆湖州府志

高啓蜀山書舍記蜀山書舍者友人徐君幼文肄學之所也
幼文嘗自吳興以書抵予曰蜀山在城東若干里吾屋在山
若干楹吾書在屋若干卷山雖小而甚美屋雖朴而粗完書
雖不多而足以備閱吾將於卒業焉子幸爲吾記之予惟
古之君子所取以成其學者無常物所居以致其學者無常
地也故弁裳之於容珩瑀之於步豆籩之於陳琴瑟之於樂
弓矢車馬之於服度量權衡之於用凡接於物皆學也豈專
於六籍之內哉往於田入於市處於戶庭覽於山川立於宗
廟朝廷游於庠序軍旅凡履之地皆學也豈限於一室之間
哉後世講學之道旣廢而人之不能然也有志者始各占山

水之勝樂廬聚書而讀之雖其所以學之者異乎古然凡
物之理與夫羣聖賢修己治人之要實皆不出於書況安
阻之區絕紛囂之役得一肆其力於是則其至於成說豈不
反有易者哉今幼文以方壯之齒有可用之才而不急於取
益務於學以求其所未至豈非有志之士哉而予也北郭之
野有土東里之第有書皆先人之遺也遭時多難第穢於榛
蕪殘壞於塵蠹俱偃焉日事奔走而不返則其荒陋宜有愧
於幼文矣尙能爲是記乎然而書此而不辭者蓋姑復幼文
之請亦因以自厲焉

覺齋集

高啓送徐山人還蜀山兼寄張靜居詩我因解紱遠辭京君
爲修琴齋入城偶爾相逢春酒熟飄然忽去暮烟生山頭
嘯猶聞響世上畱詩不寫名西磻煩詢張靜者年來注易
爻成

尚青邱大全集

又送徐七山人往蜀山書舍詩結客抱狂志輕身通俠交東
將視渤海西欲踰函嶠奔蹄脫驚鷗墮翻連飛絲酒具載車
出兵法篝燈鈔從軍願奮立學儒恥譏嘲寧期憂事彙頓使
芳年拋塵衣曉城陌雪帽寒江郊客堂感蟋蟀婦室悲蠅蚋
自笑失水鮒空慚得雲蛟獲君乃瑚璉顧我猶斗筲高懷矯
衰薄雅音變哇咬談詩辨六義讀易窮諸爻情親豈殊意氣
合真同胞因依像輪輻暢和諧塤匏妓席夜留宴僧扉晝攤
敲循花蹤步履映柳持鳴鞘塘行月灑灑林臥風梢梢要眇
送謳唱潮翻雜詠咽七滑炊野飯盤香薦山骨迴時雖齟齬
處俗不混淆襲遊旣相挈茲離竟誰教浮湖理去榜祖道多
中庖退方未罷戍近日猶被抄鹿驚互奔迸虎鬪仍咆嗥
虛少砧杵遠壘多笳鏡問往何土里荅云此巖落人安地
嗚歲餘田無燒牛羊可放牧鷺鴨供燂炮

窪樽劫樵斤聽伐木獵火看除茆雨紅爛秋實露紫舒夏
溪晴雁拍拍村曙雞膠膠書聲隱篔竹權響穿蒲茭聊將偶
沮溺誰敢儕夷巢末事誠瑣瑣大言匪嚶嚶世險路生穿名
浮浪吹泡縷粗擬共把干戚行俱包社舖飲烹狗麇祀歌迎
猶慎勿厭寂寞長當謝紛曉

同上

念黃蜀山詩喧囂厭已久閉居喜茲遂茆茨起高明澗道入
深壑空廡通震方開扉而離位藩編樅雜篔壁補蘿牽荔井
欄旂解苞田植齊吐穗溪山固可娛風雨亦足庇到日始八
九良友得三二客情卒難愜人姓頗煩記時具茶果招或攜
酒殺醜感激壯歲心慰藉平生意欲尋幽期弗暇理屨爭
諸方未遍遊近處聊一至指引賴苾芻隨行有童稚防怯危
登歎駭訝頽岡陂寒蔓悟險途披叢見傾隧緩流似矜清舊
藏欲呈瑞變綠亂菽蕩發頽老葉醉深村羈旅絕荒山古祠

闕厓攢紫閣陰松映綺疏
級聖像委裳塵靈幡驚吹青史
失記名朱榜但題謚庭空
聚草羅地僻百蟲跂鳴琴語供弦
飄雲影翻幟螢停暗帷燈
蝸篆什碑字柏瘦蟠輪囷瓠子懸
重脰喬林神鴉號卑薄鬼蝶戲
堯虛泉脈通級夷石髮被怒
蛙恒噴睛癡螳忽掉臂鼠行
點無聲蠃旋馴有次壞柱腐耳
垂敗几蒸眼漬絲殿月蠍蝥
燐飛見魑魅蝨蝨供後花
後窺祭餘器浮烟不薰爐
酒雨常停解崩垣竄驚
窟崇簪巢惡鷗野蒿食復生
園棗啄將墜牧笛秋霜清
樵歌晚風遲風光疑積愁
谷氣如發嚼對景獨感懷
覽物各求類癩祝勞遠陪慵
僕倦久侍歸時羣動息日
脚在平地

北郭集

張羽重過蜀山徐幼文隱居詩憐君舊隱此林間
一去神京未得還
獨客重來多白髮
故人不見只青山
岸前古樹曾疑雪
後高齋幾叩關
何日能除簪紱累
莫年相約共投閒

集

又蜀山館中詩秋風吹練衣獨驚游子心空山應金氣十日
五日陰始欣草木藉復見霜露侵客館固蕭條豈無酒可斟
臨觴反不樂所感親故深飛雲引長空鳴壺續孤吟家鄉莫
遠見斜陽罷登臨同上

又復寓蜀山詩蕭船自東來茲復寓衡宇雖非吾所居暫寓
亦云主豐楚復前田嘉蔬盈後圃力勤不自由食焉愧無補
幸免異患千詎敢謝貧窶俯仰穹壤間微躬獲多祐同上

菁山隱居在城南菁山下明張羽居此

成化湖州府志

高啓寄題張著作菁山隱居詩霞映青山似赤城歸棲聞已
謝時名半湖虹影收殘雨幾樹斜陽帶鳥聲竹下逢僧投杖
揖蘿間候客抱琴行平生應笑王夷甫末路方言少宦情

邱大
全集

張羽次韻寄謝詩幽幽山墅隔江城老大纔思避姓名兩屐
苔荒林外迹一瓢風撼樹間聲僧探住近邀禪坐友慮盟疎
折簡行脫使終南稱捷徑雅圭移到若爲情

靜居集

徐賁張靜居寓菁山以清宴名堂要題先以詩見贈因賦山
阿久寂寞堂虛歲亦陳自君此安處煥焉復崇新令德賁泉
石流風播松筠列巖易常態諸澗潄來塵猿鳥若釋媿雲霞
如返淳乃知景與物所據實在人棲隱雅足稱況彼有良隣
念予本同趣琴尊恒許親眎茲信清晏題名諒爲真謬書忽
見取來章誠可珍何以報淑脫篤好行再申

北郭集

雪溪館在子城南二百步本名白蘋館在白蘋洲西南故也梁
守蕭琛置唐開元二十四年刺史韋敫改爲開政館大曆九
年真卿改名雪溪館以其臨雪溪也

吳興統紀

荆長西題李明府雷溪水堂詩寥寥北堂上幽意

落日無王事詩山在縣門雲峯向高枕漁浦入前軒竹動疎

簾影苔生雙屐痕荷香隨坐臥湖色映朝昏虛曆園生白鳴

琴靜對言暮禽飛上下春水帶清渾遠岸誰家柳似烟何處

村詩居披瘴癘離思過湘沅從此扁舟去誰堪江浦

釋清空雷溪館送韓明府章辭滿歸詩洛令從告還故人京

門與惠愛三年積軒車一夜遠曉月離館空秋風故山晚榮

君有芙蓉頰我阻游衍宿昔峯頂心依依不可卷

村山集

雷溪館聽蟬聯句高樹多涼吹疎蟬足斷砧已催居客感

更起別人驚晚夏猶知急新秋別有情危湍和不似細

管學難成當教附金重無貪曜火明青林四面路白髮

一重生向夕音爾屬迎風翼更輕單嘶山迴樹餘管思

空成嗚唳松間坐蕭寥竹裏行如何長飲露高潔未能

名同上

許渾管溪館詩山斷水茫茫洛人西路長笙歌畱遠棹風雨
寄華堂紅壁耿秋燭翠簾凝曉香誰堪從此去雲樹滿陵陽

丁卯集

杜牧移居管溪館詩萬家相慶喜秋成處處樓臺歌板聲千
歲鶴歸猶有恨一年人住豈無情夜涼溪館畱僧話風定露
潭看月生景物登臨開始見願爲閑客此閒行樊川集

東遷館在城東四十里本名太湖館開元中張景遵置大歷九年
顏真卿易名東遷在古東遷縣地故也嘉泰吳興志

震澤館在城東六十里開元間張景遵置

同上

謝塘館縣西四里謝安所開唐大歷中刺史裴清起

太平寰宇記

案新府志引寰宇記作張景遵假

昇山館縣東十八里貞元十年刺史于頔置

康輿烏程縣志

茗溪館在城內宋嘉祐二年知州事楊紘建

成化湖州府志

何楷讀書堂在烏程縣南何山之下楷嘗讀書於此

成化湖州府志

汪藻何氏講堂記吳興環城皆水獨西南岡嶺相屬十餘里而得浮屠氏之居二焉東曰道場西曰何山何山立於宋元嘉中道場近出於唐末五季之初然道場踵相躡得人法席雄盛鐘魚殷殷聲聞東南何山敗屋數椽殘僧數輩望之蕭然避者弗傾也雖其興先道場五百餘年而隘陋返山其下遠甚紹興初余守吳興得二禪老曰慧林曰居慧使分居二山居慧居何山數年剪薙榛蕪易其圯腐而一新之於是游道場者如入王侯之家其隆樓傑閣足以吞光景而納江湖已而過何山則草樹蔥蘢軒窗窈窕經行之地皆雅潔幽深如造高人隱上之虛至者忘歸不知雄盛移而爲清勝也寺有何氏書堂圖記相承以何氏晉時嘗讀書此山後爲吳興

太守以其居爲寺而名其山顏魯公書亦曰寺西南有何楷
釣臺則楷嘗居此山無疑然楷之姓名於晉史無所見唯沈
約宋書叙何子平曾祖楷爲晉侍中而唐林氏姓纂亦云何
叔渡江生楷爲晉侍中晉書稱叔有子五人獨充華有傳而
不及其餘括地志謂楷爲吳興太守宋書乃以楷爲晉侍中
豈沈約見晉書充嘗除侍中因誤謂充爲楷抑爲吳興太守
後亦至侍中耶皆不得而知也以予考之寺有宋禪幽寺碑
云元嘉十四年創立精舍於金蓋山初不言楷時有寺且何
山之名於吳吳均詩始見之疑楷嘗學此山其名蹟在人後
人慕之卽其處爲楷舍耳謂楷以其居爲寺者非也禪幽寺
碑至唐會昌時已斷裂無幾有張道規者以爲式道人書識
而龜之今碑亦不復見矣

浮溪集

葉茵何氏書堂詩千載松陰護一亭風來猶帶讀書聲雖無

芳史舉勲業自有青山說姓名客撫豐碑苔剝落春歸貯徑

草生成幾年訪古謀清隱好借虛簷著短檠

湖錄

張羽何惜讀書堂詩整棹泛澄湖春陽暢我懷前登何山嶺
短策窮紫廻晉代有高人結屋臨淵隈至今讀書地石磴不
生苔幽踪去已久遺構安在哉山僧依勝跡下結蓮花臺亂
來各飄蕩龍象亦傾顛乃知興壞理道俗俱可哀滄風動巖
壑松聲四山來只疑斯人存遺韻尙徘徊我欲招其魂舉目
但滿萊臨觴聊一醉惆悵愧高才

靜居集

黃玠何惜讀書堂詩昔賢讀書處今爲梵王宮世事有翻覆
人境誰能同惟應姓何氏與山相始終

弁山小隱吟集

寫真堂顏魯公於杼山起

安公新要

石柱記後謝靈運官臨川內史嘗游寫真堂身以爲疑然起耳
然自稱顯運十世孫想寫真堂身以爲疑然起耳

茗溪草堂在城南唐時創元范叔豹重建

乾隆湖州府志

秣山集卷之四
大歷三年新林

張雨苔溪草堂詩傳語幽人范叔豹霧隱何時窺一斑天下

草堂多處所無此玉堂浮玉山

句由外史集

楊維禎詩聞說苔溪草堂草堂大似浣花莊碧山學士銀

魚帶錦里先生烏角紫清江鶴駕雙雙下春水鱸魚尺尺長

白笑樵雄述出處一區終擬住林塘

東崖子集

郊韶苔溪草堂爲范叔豹賦徵君家住白蘋溪烟霧蕭蕭驛萬

竹迤茅屋秋風遶海潮錦城秋色傍人低朝來把釣頻難掉

兩過看山獨杖藜傳得杜陵千古意肯容投老遂幽棲

雲臺集

黃玠苔溪草堂歌苔之水向東流君家草堂溪水頭一室小

於溪上舟清風滿屋長如秋篔中生塵魚在釜終日哦詩搖

兩股君不見杜陵草堂花滿川將軍立馬駐江干天吳紫鳳

補短褐安用行庖洗玉盤良無廣廈千萬間乃欲天下寒士

俱歡顏 下山小隱吟錄

謝靈運苔溪草堂雜興二首六月雨意好松風鳴
不受暑棘竹已成秋藤覆花間石山當池上樓
便作少交游不覺身爲客江山亦可憐早霜歸雁後夜雨落花前樹有報春鳥池饒縮項編時邀故鄉月共泛太湖船

雪溪館在雪溪館後唐大中四年杜牧建宋紹興十年蕭振重修
初煨知州事王時升復建嘉定三年魏大中重修堂後增
創水閣榜曰水晶勝境久廢洪武六年知府楚岳重建改閤爲
堂歲久傾頽成化十一年知府勞鉞重修前後驛舍廳堂皆新
邊水甃以石中砌階級以便使客往來

宏治湖州府志

吳興亭故集卷稱乃雪溪館中堂名杜牧之佐宣城時來游吳興爲書堂扁作雪溪館詩與自郡齋外凡治中別駕之
名爲館推雪溪館以符過從之客歷千百年館名雖泯而
之名獨存蓋重牧之也

宇在湖州驛徑二尺許茂密滿傍都欲滅絕世少識之謝靈運
嘉靖中以碧橋堂址賜宮保蔣瑤爲祠今僅存坊柱半爲民佈
堂館俱不可問

陳時中碧湖堂賦滴天目之華滋液蒼弁之雲英漱金井之
春濂消浮玉之寒冰泛苔花而東走濫餘英以北征倒河道
兮翠管浸苔城兮玉繩此玉湖之碧瀾所以映天地而澄清
也若其玉宇無塵金殿不朽湛湛兮皺紋機之般漪漪兮拖
冰蘭之繪躍鉤鱗兮琉璃之影點雪鷺兮雲母之屏蕩浮萍
以分綠疏交葉以涵青挹荷香兮爽氣橫林雷以輕氛乍疑
太液之雨霽又疑積翠之春生妙徐凝之筆不足以圖其彷彿
琢謝公之句未足以狀其儀形乃有貴介公子縉紳處士
削詩風以爲梁新明月以爲柱架白雲以爲甍疏輕烟以爲
相濤碧瀾之四面滄浪之勢作堂洲渚之間兼美山川之宜
魚鱗搖碧瓦之系差熬首戴蓬壺之晶嵐佳氣晨夕

波光左右平窗戶恍若身在水晶之宮又若神遊乎
之府是乃心怡目暢神清氣舒胃吞雲夢並吸五湖躡崑崙探
璧劍海搜珠談罪雨露筆吐虹霓蘸碧瀾而灑墨激芳潤而
研辭展寫珠璣之萬斛夕噴玫瑰之八廚使清聲流碧潤而
無盡直欲浸淫乎八區

梅堯臣碧瀾堂詩虛雲臨澗潑楸勢對墜霄瓊珮佳人去汀
洲翠帶空橋船過砌下蒲鞭起雲中欲問芳菲地吳王一廢
宮

宛陵集

陳堯佐碧瀾堂詩蒼溪滄淺雪溪斜碧玉寒光照萬家誰向
月明終夜聽洞庭魚笛隔蘆花

嘉泰吳興志

張羽碧瀾堂詩藹藹層城陰瀾瀾溪流漫問誰所構堂軒窗
傍高岸蒼云唐刺史文采當時冠華筵勢獨高賓客俱才彥
吹簫橫落日畫船如雲散健兒簸旌旗水戰逞奇玩臨流賦

新詩意氣共稱歎烽火幾荒殘城郭多遷換歌聲久矣滅和
亭鎖瀑畔臺傾鳥雀下關壞鳧鷖亂惟餘南山青依然眼中
見歸隱集

釋宏道對潮堂靜碧湖堂下湖水深大麓俯瞰湖中心畫船
每載使者至落日更送千山陰林間何處訪白鹿沙上向人
啼翠禽巖居六月厭傷人安得好風吹我襟
吳興集

水堂在汀風閣北舊名南堂

東化湖州府志

釋清齊和陸使君水堂納涼詩松家陶骨亭意遠不可齊頌
襟葛衣結高步援絲莢愛公湖亭客來是清風拂滄渚前溪
上曠望古郡西六月正中伏水軒氣常變野香襲荷菱道性
親鳧鷖禪子韻惠休逐尺重劉黎乃知高世量不以出處睽

持山集

又冬至陪裴使君水堂集詩亞歲崇佳會華軒照綠波清芳

迎氣早山翠向晴多推往知時訓書祥辨政和從公情日

留賞夜如何

同上

製錦堂在縣治內

詳解

臥雲堂在西崦山元雁隆構今廢

崇正烏程縣志

雁隆臥雲歌白雲悠悠滿空谷道人掃雲山中宿江湖龍賦

迴不聞獨向窩中睡正熟洞門沉沉春滿牀去來只在白雲

鄉睡甜不怕衣裳冷夢覺方知枕簟涼須臾雲去無畱跡門

外落花紅覆石道人起來著雙屐孤鶴一聲四山碧

石舟集

松桂堂在縣內

成化湖州府志

趙覽堂在慈感寺

揮毫餘題元長元符末住晉川游郊外慈感寺二僧新建一室顏作覽堂長卿拈筆題云趙覽堂適有一客在坐自云能相

字起云以字占之走名入見而臣字步

蘇如月四字居中當在初夏已而果然

夢馬堂紹興二年朱勝非卜地於吳興華嚴山嘉會寺葬其母楊

氏夜夢十騎入山簡一馬繫於林中因請於朝改寺曰崇因薦

福寺塚前起堂名以夢馬

吳興寧故集

經鉏堂在府治南宋倪思建

經鉏堂雜志雲川可解宜處向有林

氏雪堂趙氏按源堂今俱莫詳其處

掛瓢堂在歸雲庵係一元寓此

崇正鳥程縣志

鄭善夫過孫山人茗溪舊舍詩耿耿憶孫楚溪邊青竹門未

同茗水月竟失漢陰原壽天真詮外風雲孤夢存平生少谷

榻獨下向誰論

少谷集

謝肇淛遊掛瓢堂弔孫太初詩路入歸雲一徑幽青山落日

滿松楸老僧廢寺瓢猶掛詞客荒墳草自秋九月空林聞蟋

蟀百年殘碣上蝸牛共將杯酒澆千古腸斷滄江天半流

下

王釋登掛瓢堂詩鶴去雲歸地寂寥古堂荒徑自前朝

莫問臨邛客我亦還家欲掛瓢

王百穀集

逸老堂在峴山嘉靖丁未通判湯世賢建以爲鄉先生結社之所

乙卯倭亂毀知縣李椽重建萬曆丙申茅岡續修丁未郡守陳

幼學修

峴山志

本朝康熙丁巳知府胡瑾重建

劉麟逸老堂記吳興城南碧浪湖迤西曰峴山社人遊焉嘉
靖二十六年三月二十六日實社人之八會也別駕楚東湯
公節推箕谷馮公作堂以處吾人大書逸老顏之堂楹是日
登飲成事翌日我齋吳翁率衆張筵殿言曰二公克念吾黨
恢宏如此俾我社人上擬香山洛社甚盛心也不可無述揖
予爲記麟惟堂在三賢祠上堂隅右折而升得巖可臺題曰
明壽登臺俯視浮玉山光若鑑空浮動於屏障之間斯堂之
役始孟春望終仲春晦告成春秋而社當事者先期而到並

用燕服衆寡不拘出入隨意供具不華折簡不邀長揖不拜
論說不諱陶情不醉盟神不禱歲癸卯爲會之始張石川會
畢而歸得宋耆英會文潞公等十有三人圖像作書遺麟今
石庵官保蔣公等亦十有三人可以不愧前修楚東箕谷延
賞褒嘉開堂奉脩大書特書記之金石同盟社人名號爵里
則書於下仍虛其中以俟來者

劉清忠公集

吳綺清門引詞井序逸老堂明劉麟龍電諸公修洛社故事
飲酒賦詩其中予在郡延諸耆宿復讌於此會幾何時予亦
頽然髦矣賦以自解春色當年好曾見洛陽諸老

更相隨青山猶在只怕故人少人生百事多顛倒髮影霜華

早祇合騎黃鶴天風兩袖尋蓬島

林憲堂集

何楷釣臺在村山

名勝志

柳惲讀書臺在毘山

明潘季馴於此建廟仍爲潘氏讀書臺中有芝林館

蘇臺在臨湖門城樓西宋郡守蘇軾登之城外山水如屏畫

崇正

縣志

龐大元蘇臺詩大蘇遺韻久難忘苔上高臺蹟未荒感慨古今供笑覽憑陵湖海託文章翠峯翠學峯山秀幾寺霜凋宋樹黃五百年來逢一到肯教醒眼送頽陽

同上

韓純玉蘇臺詩東坡居士吳興守畱得空臺近北濠紅疊井幹孤塔河青圍睥睨萬峯高棲遲宇宙雙蓬鬢點綴溪山一羽毛今古風流同在望五湖烟水自滄溟

同上

鳳凰臺在鳳凰山

同上

朋壽臺嘉靖己酉通判湯世賢建其址即靈慧塔院基蓋因耆英

會集取三壽作朋之意

峴山志

月觀臺萬歷甲寅秋建在喜雨亭之前

同上

歐陽亭在歐餘山之陽

吳興掌故集

明統志昇山又名歐亭山昔越王無疆之子蹄封于歐餘山之陽為歐陽亭侯子孫因以為氏

烏亭在昇山王羲之造以烏巾氏所居也

太平寰宇記

吳均同柳吳興烏亭集送柳舍人詩河陽一悵望南浦送將歸雲山離曉眼花霧共依霏流連反舌弄下上清禽飛桂舟無淹柁玉軫有離徽願君嗣蘭杜時拂東臯薇

吳朝請集

頌亭晉太守殷康建五代天福中毀

峴山志

石住記晉唐中宗諱顯魯公既嘗峴山何以又書頌亭也大唐諸令顯慶五年詔曰孔宣設教正名為首載職遺範庶名不虛凡見多寫古典至於朕名或缺其點畫或隨便改換恐六籍難會意多矣九流通義指事多違誠非立書之本意也自今已

字不須改易則知魯公

字者遵顯慶之詔耳

車蓋亭在車蓋山殷康所造

成化湖州府志

黃浦亭在杼山妙喜寺前

鮑照吳興黃浦亭庾郎中別詩風起洲渚寒雲上日無暉
山渺烟霧長波迴難依旅雁方南過浮客未西歸已經江海
別復與親眷違奔景易有窮離袖安可揮歡觴爲悲酌歌服
成泣衣溫念終不渝藻志遠存追役人多牽滯顧路慙奮飛
昧心附遠翰矧言藏佩韋

鮑明遠集

毘山亭在毘山梁吳興太守柳惲所創

太平寰宇記

西亭在縣治南六十步柳惲建宋天聖中縣令方仲弓重建以亭
臨茗水來自浮玉山故易名浮玉

茗紀

顏真卿西亭記烏程縣南水亭梁太守柳惲之西亭也繚以
遠峯浮以清流包括氣象之妙實資游宴之美按吳均入東
記云惲起西亭毘山二亭今處士陸羽圖記云西亭城西南

二里跨苕溪爲之天監十六年所起以其在吳興郡理西故名焉文暢嘗與郡主簿吳均同賦西亭五韻之作由是勝事彌著日月茲深室宇將壞邑宰李清請修之役不煩費財有羨餘人莫之知而斯美具也清皇家子名公之裔弦歌二歲今當受代而邑人已軫去思之悲白府願畱眞卿重違耆老之請啓於上連優詔以旌之此記述以脩其事大歷一紀之

首夏也

顏魯公集

耿緯西亭詩高亭賓客散暑夜最相和細汗凝衣集微涼待扇過風還池色定月轉樹陰多遙想隨行者珊珊動曉珂

全唐詩

張籍西亭晚望詩雪水碧悠悠西亭柳岸頭夕陽生遠岫斜照逐迴流此地動歸思逢人方倦遊吳興耆舊盡空見白蘋

洲

張文昌集

李商隱湖州西亭詩此夜西亭月正圓疏簾相伴宿風烟高

梧莫更翻清露孤鶴從來不得眠

玉溪生集

東亭在縣治唐縣令李式於相國池建

崇正烏程縣志

楊夔烏程縣修東亭記故相國趙郡李公紳嘗歷中嚴門
稽日以吳興僧大光有神異之迹爲碑文托郡守敬公建立
於下山法華寺會昌中寺廢時縣令李式見碑述相國先人
曾宰烏程遂移立於東亭迄今五十載其碑毀折汝南周生
重宰烏程求於故老獲舊文比類於折碑所失者數字因重
刻於石所缺文字不敢臆續兼其舊傳云東亭之池始相國
學弄之歲乳母惰於保侍俾相國墮於池人莫之覺食頃如
有物翼出於池面衆方懾駭相國笑語無替於平日人咸異
焉初有石數尺勒其事歲月綿遠石失其處故汝南周生廣
其亭濬其池再刻其碑重序其由蓋欲存縣之故事也生旣

立大光上人之碑遂命某紀其年月別立於石且以旌斯亭

之興有自也

吳興掌故集

五花亭在峴山南麓唐天寶十二年湖州刺史韋景先創乾德中

毀洪武初建宏治中僧德賢重修

峴山志

韋景先吳興志唐進士用五花舞事爲韋氏所建日韋璋韋南金韋景先三世爲湖州守因以名亭

淫尊亭在峴山唐大歷中建元時廢明萬歷二年推官張應雷重

建

本朝浙西道李之粹嘉興同知冀應熊俱大書立碑

乾隆湖州府志

乾隆九年知縣羅僚重修

吳公類要唐開元中李適之爲湖中別駕峴山有石觴可貯酒五斗適之每舉所親登山酣飲望帝鄉時時以醉士民呼爲李相石尊顏真卿及門生第姪多攜壺榼以遊作嘲句詩云因稱酒澆石峴爲期形公注酒其中結字環飲

顏真卿石尊聯句李公登飲處因石爲空尊

顏真卿

人事歲年

改峴山今古存

劉全

榛蕪掩前迹苔蘚餘舊痕

裴循

叔子

德山公此迴軒

張鶴

維舟陪高興感昔情

吳

滿滿賢披事

依依誰會言

強

嶠嶠橫道周迢遞

山

一作

膠林

野衆芳揖蘭蓀

王純

德輝映歲足勝賞

延高

水明

因晴見吳門

王修甫

陪遊追盛美揆德欣討論

器

有成形用

工資造化元

左元

流霞方泔淡別鶴遠

翻

蒼規傾逸賞

新興麗初暇

渾

醉後接醜倒歸時騶騎喧

元

遲回向遺跡

離別益傷竟

介

覽事古典屬送人歸思繁

清

懷賢久徂謝贈

遠空攀援

崔宏

公案錯斲高名播乾坤

文仲

松深引閑步葛

弱供險捫

花

氣酒中馥雲華衣上屯

作

深沉列湖

渚半落望郊園

陸士

白月半巖岫清風滿邱樊

清

旌麾開

翠幃簫鼓來朱轡

淡

閑路躡雲影清心澄水源

釋

萍連浦

中嶼竹繞山下村

顏

景落全溪暗烟凝半嶺昏

顏

去日往如

復換年涼代溫

顏

登臨繼風騷義激舊府恩

顏

魯公集

施閏章登峴山飲蓮尊亭詩雲岫近郊囿賞足娛客延日
已千里陟巖繞百尺惟攜步兵酒無煩康樂屐亭陰俯石尊
林表想瑤席古人各盡歡一去皆陳迹烟開震澤明雨集菽
城白且復永今朝母爲歎行役 愚山集

朱彝尊題峴山蓮尊亭詩醴殿烏程酒天寒不放船從教騎

馬去日日峴山眠 愚山集

三癸亭在村山顏真卿建於癸年癸月癸時故名 成化湖州府志

顏真卿三癸亭詩村山多幽絕勝事盈跬步前者雖登攀淹
畱恨晨暮及茲紆勝引曾是美無度歛搆三癸亭實維陸生
故高賢能利物疏鑿皆有趣不越方丈間居然雲霄迥巍峩
倚修岫曠望臨古渡左右苔石攢低昂桂枝蠹山僧狎猿狖
巢鳥來枳椇俯視何楷臺傍瞻戴顓路延回未能下夕照同

村樹 顏魯公集

釋清晝奉應顏使君真卿與陸處士羽登妙喜三癸亭
意西山多列岑紫左次繕亭歷三癸疏址隣釋寺元化
蹤使君啓高致誅榛養翹楚鞭草理芳蕙俯砌披水空
掃峯翠境新耳目換物遠風塵異倚石忘世情援雲得
嘉林幸勿翦禪侶欣可庇衛法大臣過佐遊羣英萃龍
池設清激虎節到深遠徒想嶮頂期於今沒遺記

村山集

許氏溪亭在城東

樓德與吳興許氏溪亭記溪亭者何在吳興東郭主人許氏
之作也亭制約而雅溪流安以清是二者相爲用而主人
有之其智可知也夸目麥心者或大其閉閤文其節檢
恥之絕世離俗者或梯構岩險紉結薜蘿世教鄙之
亭與人寰不相遠而勝景自至青蒼在目潺湲激砌
嵐明晦萬狀鷗飛魚游不驚不喁時有歸雲來冒椽椽許氏

方我鶻冠支筇竹目送溪鳥口吟招隱神機自生利欲百
百骸六藏之內累無入焉有田二頃薄於亭外鋤薑之功出
於僮指每露蟬一聲秋稼成實倚杖眺望不覺日暮羨良之
羨則以給等中方其引滿陶然心與境會則是非得喪相與
亦北之不暇又何可動其中耶夫舉世狗物以失性而不能
自適且繆戾於動靜之理君之動也代耕筮仕必於山水之
鄉故尉義興贊武康皆有佳聞而無秕政其靜也則偃息於
斯亭循分食力不矯不躁庸詎知今日閉伏不爲異時之大
來乎予知之深故因斯亭以廣其說云

權文公集

臨湖亭在蓮花峯不知創於何時東望太湖一碧無埃洞庭諸峯

杏洲雲際

法華寺紀略

穆清晝和盧使君綦母處士游法華寺高頂臨湖亭詩二首

廉守躡高蹤天曉纔分刹風傳鐘錄城中

湖上碧山重水照千花界雲開七葉峯寒芳艾綬滿空
綸濃逸韻知難繼佳遊恨不逢仍聞撫禪石爲我久從容
集

水亭在定安門外卽古縣尉廳

崇正烏程縣志

耿滄賦得水亭風聯句

裴幼清

清風何處起拂檻復縈洲

入飄華幙輕來疊晚流

楊

桃筵今已展羽翼且從收

竹吹彌切過松韻更幽

陸士修

直散青萍末偏隨白浪頭

山吹雨過浦浦發行舟

陸士修

動樹蟬爭噪開筵客罷愁

方解慢臨水已凝秋

皎然

涼爲國襟至清因作頌雷

遠夢騷屑滿離憂

喬

豈獨消煩暑偏能入迴樓

此誰不荷明休

全唐詩

王風今若

釋清晝同李中丞洪水亭夜集詩佳人且莫吹參差正憐月

色生酒卮山公取醉不關我爲愛尊前白鷺鷺

村山集

蘇軾城南縣尉水亭得長字詩兩尉鬱相望東西百步塲揮
旌蒲柳市伐鼓水雲鄉已作觀魚檻仍開射鴨堂全家依畫
舫極目亂紅妝潏潏波頭細疎疎雨腳長我來閒濯足溪澗
欲浮牀澤國山圍裏孤城水影傍欲知歸路處葦外記風檣

東坡全集

迎春亭在迎春門內唐杜牧建

乾隆湖州府志

桃露亭松桂亭清閣亭俱在縣治內

咸化湖州府志

仰高亭在西門城上

崇正烏程縣志

蘇溪集宋臨年四十以大理寺丞致仕居吳興西
吳取詞中仰而高風之語作仰高亭于城上

富光祖重修仰高亭記少翁朱先生退居吳興授祕書丞致

仕郡守徐公築亭城隅列訓詞於座間載之圖籍以稱朝廷

所以褒揚隱逸之義通判軍州事張公榜名仰高今中書

郎許公書額故天下以少翁名其園以仰高名其亭同

七十八丈東西四十七丈林木陰翳而吳興溪山一覽可盡
行吟徑弦歌亭坐隱軒解舍庵平遠亭五柳墩皆少翁先生
遊息之地今之所存十無一二而三徑淒涼松菊殆盡余因
謁先生祠而登其亭惜其廢而新之請刻之石崇寧三年十
月日記同上

四水亭在定安門馬公橋宋宣和中知州事葛勝仲建

崇正烏程縣志

濯纓亭在定安門內宋紹興初知州事朱勝非建爲迎餞之所同上

楊維禎濯纓亭志有三客者會於雲溪之上濯纓亭各陳所

歌詩以自所志一客歌曰桃花一實三千歲不識人間漢秦

世溪上漁耶可處來溪水東流復西逝一客歌曰荷爲衣兮

薜爲裳飲沉澗兮餐朝陽山蒼蒼兮水泱泱懷美人兮天一

方一客歌曰我所思兮思故人堯舜之主皐夔臣箕之叢兮

頽之濱飲牛豈棄巢由民又歌曰鑿則圓兮柄則方尺有所

短寸有長文武之道一弛一張龍節螭屈安厥常歌闕以質濯
纓主人主人曰一客之辭一隱之士之所志也二客之辭喪
君之士之所思也三客之辭一隱一顯與時推移之士之所
爲也如用之吾從三也歟三客者送錄其辭者鐵厓道人會
稽楊維禎主人者爲中臺中丞公吳鐸也東槎子集
范成大詩淒風急雨脫然晴當道橫山如兒迎野水茫茫何
用許爛供遊子濯塵纓石湖集

曠遠亭在毘山宋莫汲建

劉一止曠遠亭詩序唐吳筠詩平湖曠以遠莫子及取以製
名芮國器爲之記山蓋吳筠舊隱當時語曰吳筠碑樸古奇
稱其文辭之美也余未冠與吳約仲諸父讀書此山若溪集
亭雪亭在西余山碑在大覺寺崇正烏程縣志

風竹月亭在毘山

楊維禎言滌舟北郭外華表見新亭水作游龍勢山爲低月

形怪松蟠水赤亭竹上山青一束生芻意千秋地下靈

東維子集

聚芳亭在辰舍元隱士閔天福別墅

崇正烏程縣志

浮碧亭在峴山明正德壬申通判侯爵建嘉靖乙卯燬萬歷二年

重建

同上

劉麟浮碧亭記湖郡城南二里許有山曰峴浮碧亭在焉正

德己巳東南大水湖郡隄防悉決民用阻饑庚午又水部倅

滇南侯君君錫適以其職而來乃周覽跋涉殫思竭勞往來

必以峴而憩止焉明年河疏堤築歲以中稔民乃請建亭館

於上以爲君游息之所若曰猶名伯之有甘棠者君弗許曰

時弗大裕也又明年疏者以達築者以固水至不爲害歲且

大稔民復以告君君曰告太守太守曰魏公之衆春有園蔬

公之喜兩有亭從民攸好子其圖之君乃畜財鳩工不踰旬

而亭成以間計者三以楹計七十有二登亭以眺碧湖在前
浮玉在下道場何弁山諸峯森列環布流者如止峙者如至
爭秀獻奇諸景畢會落成之日太守與客來飲其中顧而歎
曰美哉亭乎天蒼蒼其下流峴憑虛而中出題曰浮碧郡之
大儒盛爲詩歌是役也始以宣勞而協民心終以致稔而煩
民力邦人樂之太守名之君子歌詠之是宜有述俾後之有
考也 劉清惠公集

呂盛秋日浮碧亭小憇詩峴首空亭野望幽梧桐葉落已知

秋蒼生設道瘡痍起素髮俄驚歲月流仙侶霞浮鸚鵡爵綠

苔雲臥鶴鷗裘諸君笑語情何極卜夜還看月映洲 崇正志

龍霓浮碧亭詩衆山飛蟠鬱且我溪流北滙清無波波光

沒暮山碧潤生嵐翠凝春蘿烟霏日漾幾千頃妙賞會入

亭多巖花愛傍綺疏落楓林靜對高人哦樽留古石 崇正志

梵繞絕磴依寒柯山翁逸回白雲馭漁子忽動滄浪歌
幽勝一覽足昔宿晦秘今如何羣山暇日飽登歷願屬賓從
時相過

顧璘浮碧亭呈黃湖州詩平湖短棹鏡中來翠袖紅亭罨畫
開霧樹散分洲渚斷雲峯橫帶海天迴登高共續黃花節藉
草仍探白石杯傳道使君多暇日每攜賓從恣徘徊

新華玉

羅悛浮碧亭跋明正德中湖郡倅侯君錫於峴山建浮碧亭
以其下瞰碧浪湖前對浮玉山而名也歲久隳剝亭額亦亡
予簿領之隙時經由晏憩於此以爲僦窪尊之遺構增巖曲
之良游遙矚澄懷卽事多美爰爲重加營葺復完舊觀而仍
其故名以頌之

少巖亭在峴山謝公巖

不咸西園雜記晉謝希逸遊此故名其
東復有一巖作亭其上名曰少巖

湖山絕勝亭在峴山內樹岳郡守去思碑施儒記

崇正烏程縣志

湖山一覽亭在峴山內樹萬郡守去思碑尚書蔣瑤記

同上

喜畱亭在峴山萬歷丁未爲知府陳幼學畱任加秩建

同上

笑月亭愛山亭俱在道場山伏虎巖上

乾隆湖州府志

甘泉亭在道場山瑤席池上明知縣荆文照建

同上

宜晚亭在道場山元推官何貞建

崇正烏程縣志

唐棣道場山宜晚亭詩朱堯翠拱倚屏顏野色湖光指顧間

香散四時天竺雨青浮兩點洞庭山諸方駐夏頻游憩近郭

尋春任往還卻憶幽棲姚子敬畱陪歡飲叩禪關

同上

長烟亭在下扶城內

吳興八景有下扶長烟故名見鄭明遠記

壘山亭在城北壘山

太平寰宇記

甯此四景

布政分司池亭在府治西今廢

乾隆湖州府志

左贊湖州布政分司池亭記吳興行省東畔有隙地不能五畝先年好事者輦石爲山構亭臨沼可羅坐觴詠沼旁亦可習射翠竹老檜參錯其間成化己亥秋予同左布政使杜君益之有事於此公餘少憩暢懷發粹曠如也距今纔五年豐草彌望亭廢亦久怪而問之左右曰按部者歲不一二至至則三五日而去窘於簿書邊及游息有司亦蔑視之日就荒蕪勢使然也予暫於亭之故基命在官服役者剗刈叢穢畚除瓦礫已而竹石呈露不亭而麗風約池萍倒翻雲影魚鳥欣欣若有喜色如人之身自頂放踵爬梳澡雪垢膩淨而精神清暢矣夫世之勝區鞠爲榛莽如此類者何限必待人而修治之庶可復舊若予斯舉民不告勞財不及傷而昔之風景不終于晦後之君子按部於斯者尙修治之哉

同上

太白亭在道場山孫一元墓前

本朝知府吳綺立

同上

袁裘讀書樓在峴山明嘉靖癸巳袁裘成湖讀書其間後人因以名之空明樓在其左裘與孫一元觴詠於此

崇正烏程縣志

袁裘讀書樓詩山寺因精廬移居性所適寧知賓客稀漸與城市隔岡巒何秀美蒼翠還日夕夏木密以陰幽鳥來几席開窗見漁舟湖水清且碧焚香日晏坐適興在篇籍余本迂散人禪林亦靜僻茲焉遂吾好已矣思屏跡

袁承之集

正花閣在縣治內

（蓋城文獻）唐太和二年烏程縣治生蓮花名蓮花蕊

溫閣在杼山

（妙喜寺碑）寺東偏有松隱院其前堂西度謂之溫閣

汀風閣在碧瀾堂後

崇正烏程縣志

怡雲閣在弁山朱子嵩建

（避暑錄詒）圓證寺大松三十餘株夾道蔽日石橋合諸澗經朱子嵩怡雲閣之前其深處水面闊四五丈張文規所謂金碧潭者也下流注于嵩之圍壑薄激射交流左右去吾廬不滿三里

清遠閣在峴山明嘉靖丁未通判湯世賢建取吳興山水清且遠

之義崇正烏程縣志

海天閣在道場山舊名雲峯明范應期更今額同上

屠隆海天閣詩名山旣鬱盤茲樓改趨忽迎睇眺具區遠望

盡溟渤冉冉出雲端行行凌木末几上橫青峴足下起蒼鴻

帝座笑疑通明河手可掇須彌但芥子洞庭真毛髮元化播

英靈霸國畏吳越吹萬總已空大千復何物

居韓真集

謝肇淛海天閣詩飛閣接天都珠宮控太湖山光圍百雉野

色入三吳木落禽聲盡雲崩塔勢孤東南多王氣回首起棲

鳥

下菴集

御書閣在南潯鎮明義巷

南潯志宋高宗南渡遺此匾勅宗畫榜一幅又書清風明月四字繪建閣貯之元趙孟頫復題明義巷三字畫波馬圖此嘉

靖間表表有御書閣下題還在明義庵中馬尚存之句猶及見二物也

西隱軒在慈感寺西

崇正烏程縣志

碧雲軒在慈感寺東南

同上

水東軒在慈感寺東

同上

倪思水東軒詩水花風葉暮蕭然靄靄雲山帶暝烟佇立東

軒未能去更看明月湧晴天

同上

清容軒元袁桷讀書處今爲淨土庵

乾隆湖州府志

洪珠慈感寺清容軒詩古寺寂臨水遠山看入雲窗虛前
色徑轉遞蘭芬香火王孫舊風烟老衲存勝遊天與在

共黃昏

同上

顧祿慈感寺清容軒詩苔雪雙溪抱寺來此中無慮著塵埃
蒲桃葉大當窗長苗苗花香隔岸開
香爐落經臺祇今已是超凡俗何必重論七聖財

吳興詩集

釋如蘭和韻短棹輕帆雪上來清容軒裏絕塵埃山環雉堞
午峯掛天落鷗波一鏡閒夜月龍花多寶樹春風烏雀施生
臺祇園重布黃金地誰似麗山不戀財

同上

夏原吉和韻劒佩遙從天上來苔溪深處濯塵埃寺尋慈感
雲邊入軒扁清容水上開一榻松風生塵尾半空花雨墮獅
臺何當淨掃浮生事紫竹林中問善財

夏忠靖公集

王世貞復清容軒記吳興水至多割地幾十之五其城西南

隅爲勝西南隅枕水而官者至多慈感寺爲勝慈感寺之景
至多清容軒爲最勝軒故傍察然其地據寺左而獨南向前
枕通塘有蓮芙蓉之屬橈吹容與簞箸散布軒之中碧
浪諸山凌睥睨而上其外碧浪諸水穿睥睨而下以故其景
最勝考志所以名則故元學士袁先生桷號清容者徵時客
吳興讀書其中因取其號軒之趙文敏公爲題字亦時往來
流憩故其名益著二百餘年矣少時不戒於火予來吳興意
欲復之以屬守黃君永藍君司理孫君有郡士嚴姓者慨然
發其帑不逾月而軒復弁州山人集

滴翠軒在峴山逸老堂西前有竹林

崇正烏程縣志

萬籟軒在滴翠軒右明蔡善繼讀書於此題額

同上

渺渺軒在道場山頂

見邵文原詩

項王走馬埒在弁山

石柱起弁山有項王走
馬塲歌馬池繫馬石

鄭明選走馬塲詩項王昔走馬四面黃金塲時衰雖不
歌對紅顏侯升集

吳越垂鞭詞并序項王走馬塲在弁山上按郡志云項羽
起兵江東於此得所乘烏騅馬不知何據然羽暗啞叱咤千
餘年後乃爲蒼弁山神相傳梁蕭敬歆守此常入羽廟中與
神對飲輒有醉色後爲張敬兒所聞見神往救豈信然歟夫
羽雄視一時而不能卒有天下夜起帳中悲歌雖逝亦可傷
矣爲作醉垂鞭以寄慨云金塲倚雲窩秋山半斜陽亂拔劍
起高歌騅兮奈若何美人垓下死竟歸此望烟蘿落日滿山

阿英雄涕淚多

林德堂集

邱路在縣南七里昔邱傑年十三隣胡氏築牆侵其界傑乃夜移
籬退三尺胡氏慚亦退三尺遂成大路成化湖州府志

吳綺邱路詩仙踪罕近尋武陵逸難卽豈謂南郭間乃有避
塵跡便娟修竹圍窈窕幽人室方春桃作花夾岸絳英積溪
山多艷姿雞大帶霞色頰光靜相照永日不知夕入望無淺
深但覺世情隔遐哉柴桑翁作記有餘憶

林蕙堂集

又飲邱露桃花下詩憐春不惜醉屢憩野人家芳樹爭初日
晴溪隔亂霞到山朝飯笋蹄闌夜分花勝事心相得寧憂費

欲華

同上

又邱路看桃花春風娘娜詞問桃源何處曾賺漁郎沿嶺路
汎湖光扣蘭舷又見芰蘿烟雨忽成霞彩飛入篷窗但有天
紅都無濕翠不辨胭脂深淺粧十里籠將畫溪水一身疑上
紫雲鄉生恐風姨巧如絲絲點點到明日步障難藏傾椒醕
况東皇尊前惜取嬌靨紅裳莫待重尋元都仙苑且教沉醉
錦春江塵綠依戀怕雙扉人去題門詩在前度茫茫同上

盤陀石在峴山放生池側

崇正烏程縣志

詹學盤陀石詩湖上盤陀天削成曲巖奇石倚雲平掠花

燕爾春語隔樹啼鶯弄曉晴翠色遠浮孤嶼濕烟光遙帶夕

陽明夷猶不減生公石醉倚臨風聽玉笙

同上

御史徑在杼山

魏忠節公諱實卿刺是邦時浙西觀察判官殿中袁君高巡部至併合於此山有支徑與袁君步焉因呼爲御史徑

桂柳在杼山

妙善寺碑三癸亭西北巖桂間創桂棚左右百步有芳林茂樹悉產丹靛紫三桂

晟舍在城東三十里今爲晟舍鎮相傳李晟舍此故名

成化湖州府志

馬程縣志卷之三終